



Nunatta Karsiata 2019-imut naatsorsuutaasa Inatsisartunit akuerineqarnissaat pillugu Inatsisartut aalajangiiffigisassaattut siunnersuut.

(Aningaasaqarnermut Naalakkersuisoq)

(Siullermeernerani)

Naliginnaasuuppat Inatsisartut upernaajunerani katersuunnerminni Nunatta Karsiata naatsorsuutai suliarissagaluarpaa, ukiulli aallartinnerani 2020-ip ilimagisagut tamaasa qaangerlugit sunnersimavaatigut, taamaattumillu tamassuma kingunerisimavaa naatsorsuutit Inatsisartut upernaajunerani katersuunnissaannut naatsumut suliassanngorlugit piareerneqarsinnaasimannginnerat.

Tamanna soorunami ajuusaarnarpoq, iluamilli iliuseqarfigisinnaasimanngisarput. Kingunerisimavaattaaq Kukkunersiuinermut ataatsimiititaliap ukioq-manna Nunatta Karsiata naatsorsuutaasa Inatsisartunit siullermeerneqannginnerani ukiumoortumik naatsorsuutit pillugit isumasioqatigiinnernik ingerlassimammassuk.

Naatsorsuutit suliarinerannut sunniutaasimavoq allaffeqarfiup suliassaqsimanerujussua Corona pissutigalugu ajornartoornerup nalaani, taamaattumillu nuannaarutigaarput, Nunatta Karsiata 2019-imut naatsorsuutai Namminersorlutik Oqartussat kukkunersiuuinuit avataaneersunit apeqquserneqarani uppersarneqarmata.

Demokraatit iluarisimaartorujussuuaat, Nunatta Karsiata 2019-imut naatsorsuutai ingerlatsinermut, sanaartornermut taarsigassarsititsinermut (DAU-sinneqartoornermik taaneqartartoq) 137 million koruuninik sinneqartoorsimammatt missigersuutaasimagaluartoq amigartoonnissaq ilassutitut akuersissutit ilanngullugit 43 milion koruuninik. Imatut paasillugu 180 million koruuninik amigartoorutaanani nikingassut pitsaasuusoq.

Suliat annertussusaat 2019-imi qaffasissimavoq, aalisarnermillu inuussutissarsiortut pisortat aningaasaqarniarnerannut isertitanut pitsaasumik tapeeqataasimapput. Isertitat Namminersorlutik Oqartussat aalisarnermit isertittagaat, aningaasaqarnitsinnut aaliangiisuunerpaavoq.

Katillugit 1.509 millionit koruuninik aningaasaliisoqarsimavoq suliniutinut pingaartumik Namminersorlutik Oqartussat ingerlatsiviinut ilaannakumik tamarmiusumilluunniit pigineqartunut.

Kukkunersiuinermut ataatsimiititaliq ataatsimiititaliamit apeqquteqaamminut suli akissummik tigusaqsimanngilaq. Tamanna aamma ajunngilaq, tassami Kukkunersiuinermut ataatsimiititaliap isumaliuutissiissutaa apeqqutinik akissutinillu imaqartoq Naalakkersuisuneersoq aatsaat Nunatta Karsiata naatsorsuutaasa aappassaaneernerani tiguneqartarmat.

Siunnersuut peqqissaartumik suliarineqarnissaanut Kukkunersiuinermut ataatsimiititaliamut siunnersuutip aappassaaniinnginnerani ingerlateqqippara.